

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo trgovine, turizma i saobraćaja

Broj: 05/1-18-034998/25
Tuzla, 24.11.2025g.

Na osnovu člana 64. stav (1), tačka b), člana 70. stav (3) i (6) Zakona o javnim nabavkama („Službeni glasnik BiH” br. 39/14, 59/22 i 50/24), i Zapisnika o ocjeni ponuda sa preporukom Komisije za izbor najpovoljnijeg ponuđača, broj: 05/1-18-33119-4/25 od 21.11.2025. godine, ministar trgovine, turizma i saobraćaja d o n o s i:

O D L U K U
O IZBORU NAJPVOLJNIJEG PONUĐAČA

Član 1.

Prihvata se preporuka Komisije za javnu nabavku u sklopu Zapisnika o ocjeni ponuda broj: 05/1-18-33119-4/25 od 21.11.2025. godine, da se u cilju odabira najpovoljnijeg ponuđača po provedenom javnom pozivu za nabavku usluge iz Aneksa II Zakona o javnim nabavkama koje se odnose na nabavku usluge pripreme i organizacije edukativnog programa iz oblasti turizma, Ugovor za javnu nabavku dodijeli ponuđaču Colosseum doo Tuzla, sa sjedištem u ulici Milana Jovanovića br.6, 75000 Tuzla, ID: 4209106580007, sa najbolje ocijenjenom i prihvatljivom Ponudom za predmetnu nabavku usluge, za ponuđenu cijenu od 16.650,00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču Colosseum doo Tuzla, najkasnije u roku od 10 dana, računajući od dana prijema Odluke o izboru najpovoljnijeg ponuđača.

Član 3.

Ova Odluka objavit će se na web-stranici Ugovornog organa (www.vladatk.kim.ba) istovremeno s upućivanjem primjerka Odluke ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” br. 39/14, 59/22 i 50/24).

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 05/1-18-33119/25 od 05.11.2025. godine. Procijenjena vrijednost javne nabavke je 17.000,00 KM. Javna nabavka je planirana u Planu javnih nabavki za 2025. godinu, za nabavku usluge pripreme i organizacije edukativnog programa iz oblasti turizma, pod rednim brojem Usluge-19. Javna nabavka je sprovedena putem Javnog poziva za nabavku usluge iz Aneksa II Zakona o javnim nabavkama.

Predviđeno je zaključivanje ugovora sa jednim ponuđačem sa vremenskim periodom trajanja do 20.12.2025. godine, sa periodom izvršenja novembar-decembar 2025. godine. Kriterij za ocjenu ponuda je "najniža cijena" tehnički zadovoljavajuće ponude. Obavještenje o nabavci usluge broj: 698-9-2-5-22-34/25 je objavljeno na Portalu javnih nabavki (www.ejn.gov.ba) od 11.11.2025. godine.

Komisija za javnu nabavku imenovana je Rješenjem broj: 05/1-30-004802/25 od 10.02.2025. godine. Komisija za javnu nabavku dostavila je Zapisnik sa otvaranja ponuda broj: 05/1-18-33119-3/25 od 21.11.2025.godine, Zapisnik o ocjeni ponuda sa preporukom Komisije o izboru najpovoljnijeg ponuđača, broj: 05/1-18-33119-4/25 od 21.11.2025. godine u postupku javne nabavke usluge pripreme

i organizacije edukativnog programa iz oblasti turizma. U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljene ponude i njenu ocjenu, o čemu je sačinila odgovarajući Zapisnik, u kojem je utvrđeno slijedeće:

- U skladu sa provedenim postupkom iz člana 1. ove odluke, ponudu je dostavio samo jedan ponuđač i to: Colosseum doo Tuzla.

Konstatovano je:

- da je ukupno dostavljena jedna (1) blagovremena ponuda,
- da ponuda ponuđača Colosseum doo Tuzla u postupku nabavke ispunjava formalno - pravne uslove u skladu sa Zakonom o javnim nabavkama i Javnim pozivom za nabavku usluga iz Aneksa II Zakona o javnim nabavkama.

U postupku donošenja ove odluke, posebno su cijenjene činjenice da je Komisija pravilno izvršila ocjenu kvalifikovanosti ponuđača, te ocijenila prispjelu ponudu u skladu sa Zakonom o javnim nabavkama i kriterijima iz javnog poziva. Uzimajući u obzir naprijed navedeno, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku usluge.

POUKA O PRAVNOM LIJEKU: Protiv ove Odluke ponuđač koji je učestvovao u postupku nabavke može izjaviti žalbu u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa Ministarstva trgovine, turizma i saobraćaja Tuzlanskog kantona, u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Obradila: Alić Enesa

Dostavljeno:

1x Colosseum doo Tuzla

1x a/a



MINISTAR

Almir Žilić, dipl.ecc